

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и избјеглице

2319
002

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj: 13-03-30-15008-2/20
Sarajevo, 17.06.2020. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

SKUPŠTINA KANTONA SARAJEVO
Služba za skupštinske poslove
- Ovdje -

PREDMET: Odgovor na zastupničko pitanje zastupnice Danijele Kristić, dostavlja se

Ministarstvo za rad, socijalna pitanja, raseljena lica i izbjeglice Kantona Sarajevo zaprimlo je akt Predsjedavajućeg Skupštine Kantona Sarajevo od 20.05.2020. godine broj: 01-04-12553-59/20 kojim se ovom ministarstvu dostavlja zastupničko pitanje zastupnice Danijele Kristić.

Zastupnica Danijela Kristić je na 25. Radnoj sjednici Skupštine Kantona Sarajevo, održanoj dana 18.05.2020. godine, a u okviru tačke Dnevnog reda "Poslanička/zastupnička pitanja, inicijative i odgovori", postavila je sljedeće pitanje:

"Da li će u 2020. godini biti raspisan javni poziv poslodavcima za prijavu učešća u programu sufinansiranja zapošljavanja pripravnika sa VSS i VŠS, kao i drugih mjera podsticanja novog zapošljavanja, ako da kada mislite iste raspisati?"

Odgovor

Proglasenjem stanja prirodne nesreće u Federaciji BiH, Vlada Federacije BiH je, početkom mjeseca aprila, zauzela stav da se obustave svi javni pozivi za sufinansiranje zapošljavanja/samozapošljavanja u cilju osiguranja dovoljnih novčanih sredstava za finansiranje materijalne i socijalne sigurnosti nezaposlenih osoba sukladno članu 48. Zakona o posredovanju u zapošljavanju i socijalnoj sigurnosti nezaposlenih osoba ("Službene novine Federacije BiH", br.:



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
ID 15 100 63668

55/00, 41/01, 22/05 i 9/08), te u tom smislu dala instrukcije Federalnom zavodu za zapošljavanje i svim kantonalnim službama zapošljavanja.

JU "Služba za zapošljavanje Kantona Sarajevo" Sarajevo je Ministarstvu za rad, socijalnu politiku, raseljena lica i izbjeglice Kantona Sarajevo, dana 24.04.2020. godine, prosljedila informaciju Federalnog zavoda za zapošljavanje kojom se obavještavaju sve kantonalne službe da je Upravni odbor Zavoda, u koordinaciji sa Vladom Federacije BiH, donio Odluku kojom se odobrava realizacija podsticajne mjere "Služba u saradnji sa poslodavcima 2020". Realizacija navedene mjere iz Programa sufinansiranja zapošljavanja u 2020. godini, odnosi se isključivo na poslodavce koji pružaju usluge zdravstvene i/ili socijalne zaštite, a koji imaju opravdanu potrebu zapošljavanja nedostajućeg medicinskog i drugog odgovarajućeg kadra zbog pandemije koronavirusa (COVID 19).


Shodno prethodno navedenom, stav Vlade Federacije BiH je promijenjen samo u pogledu zapošljavanja nedostajućeg kadra medicinske i nemedicinske struke u zdravstvenim i ustanovama socijalne zaštite, dok je za ostale podsticajne mjere, uključujući i programe sufinansiranja zapošljavanja pripravnika VŠS i VSS, stav i instrukcija Vlade Federacije BiH i dalje na snazi.

PRILOG:

1. Zastupničko pitanje br.: 01-04-12553-59/20
2. Odgovor Federalnog zavoda za zapošljavanje, br.: 01-45-2292-5/20,
3. Informacija Federalnog zavoda za zapošljavanje, br.: 03-45-2844/20
4. "Službene novine Federacije BiH", br.: 55/00, 41/01, 22/05 i 9/08

S poštovanjem,

Pripremila: Rada
Belma Trajkov, se



DOSTAVITI:

1. Naslovu,
2. Predsjedavajućem Skupštine Kantona Sarajevo,
3. Dopredsjedavajućoj Skupštine Kantona Sarajevo, gđi Smiljani Viteškić
4. Dopredsjedavajućoj Skupštine Kantona Sarajevo, gđi Danijeli Kristić,
5. Dopredsjedavajućem Skupštine Kantona Sarajevo, gđin Vibor Handžić,
6. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1





TU -04- 2020

Broj: 01-45-2292-5/20

Sarajevo, 10.04.2020. godine

Bosna i Hercegovina
Federacija Bosne i Hercegovine
KANTONA SARAJEVO
Javna ustanova za zapošljavanje u Kantonu Sarajevu
SARAJEVO
DOKE MAZALIĆA Br. 3

JU Služba za zapošljavanje Kantona Sarajevo

Doke Mazalića br. 3

71 000 Srajevo

N/p g. Nermin Pećanac, direktor

Predmet: Odgovor, dostavlja se.-

Veza: Vaš akt br. 04/1-34-0693/20 od 09.04.2020. godine

Poštovani,

Federalni zavod za zapošljavanje je dana 10.04.2020. godine zaprimio Vaš akt, broj i datum iz veze, kojim urgirate na Zavod da Vam hitno dostavi traženu informaciju u vezi Vašeg akta br. 01/01-0654/20 od 02.04.2020. godine, a tiče se angažovanja medicinskog kadra putem Vašeg javnog poziva zbog pandemije koronavirusa (Covid 19).


Ovim putem Vas obavještavamo da je Federalni zavod za zapošljavanje u kontinuiranoj komunikaciji i koordinaciji s Vladom FBiH povodom novonastalih okolnosti, uključujući i Vaš zahtjev.

U onom momentu kad Zavod dobije izjašnjenje i stav Vlade FBiH povodom Vašeg zahtjeva, o istom ćemo Vas blagovremeno obavijestiti.

Do tog momenta, još jednom ukazujemo na stav i instrukcije Vlade FBiH o obustavi javnih poziva za sufinansiranje zapošljavanja/samozapošljavanja kako od strane Zavoda tako i od strane službi za zapošljavanje, a sve u cilju osiguranja dovoljno novčanih sredstava za financiranje materijalne i socijalne sigurnosti nezaposlenih osoba. Također ukazujemo na odredbe Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08), točnije član 48. istog koji propisuje da se sredstva koja pripadaju službama za zapošljavanje, nakon što se odbiju administrativni troškovi, koriste za ostvarivanje materijalne i socijalne sigurnosti nezaposlenih osoba, a što je prioritarna obaveza kako službi za zapošljavanje tako i Zavoda.

Još jednom ističemo da ćemo Vas o stavu Vlade FBiH povodom Vašeg zahtjeva blagovremeno obavijestiti.

Srdačan pozdrav,



Dostaviti:

- Naslovu
- a/a

BOSNA I HERCEGOVINA
FEDERACIJA BOSNE I HERCEGOVINE
FEDERALNI ZAVOD ZA ZAPOSŁJAVANJE
SARAJEVO



BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL EMPLOYMENT INSTITUTE
SARAJEVO

Broj: 03-45-2844/20
Datum: 20.04.2020. godine

Služba za zapošljavanje Unsko-sanskog kantona
Branislava Đurđeva 1
77000 Bihać

Služba za upošljavanje Županije Posavske
Ulica III br. 25
76270 Orašje

Služba za zapošljavanje Tuzlanskog kantona
Bosne srebrene 31
75000 Tuzla

Služba za zapošljavanje Zeničko-dobojskog kantona
Adolfa Goldbergera 6
72000 Zenica

Služba za zapošljavanje Bosansko-podrinjskog kantona Goražde
Maršala Tita 13
73000 Goražde

Služba za zapošljavanje Srednjobosanskog kantona / Županije Središnja Bosna
Ul. Hadži Ali-bega Hasanpašića bb
72270 Travnik

Služba za zapošljavanje Hercegovačko-neretvanske županije/kantona
Kralja Tvrtka 19
88000 Mostar

Služba za zapošljavanje Županije Zapadnohercegovačke Grude
Trg Herceg-Bosne 1
88340 Grude

Služba za zapošljavanje Kantona Sarajevo
Đoke Mazalića 3
71000 Sarajevo

Županijski zavod za upošljavanje Livno
Kralja Tvrtka 5
80101 Livno

N/p direktora/ravnatelja službi za zapošljavanje

Predmet: Informacija, dostavlja se.-

Poštovani,

U svjetlu pandemije koronavirusa (Covid 19), određen broj poslodavaca koji pružaju usluge iz oblasti zdravstvene i/ili socijalne zaštite iskazao je interes za zapošljavanje nedostajućeg medicinskog i

Bosna i Hercegovina
Federacija Bosne i Hercegovine
KANTON SARAJEVO

PRIMLJENO:	21-04-2020		
Organizaciona jedinica	Kantonalna uprava	broj	broj
13	35	10983	

187/2020
23-04-2020
11:30

drugog odgovarajućeg kadra kako bi se građanima pružila najbolja moguća zdravstvena zaštita i socijalna skrb u periodu trajanja pandemije koronavirusa.


Slijedom navedenog, Upravni odbor Federalnog zavoda za zapošljavanje, cijeneći činjenicu da zdravstvena zaštita stanovništva predstavlja opći odnosno društveni interes, pogotovo u okolnostima pandemije, u koordinaciji s Vladom Federacije BiH donio je Odluku kojom je odobrio realizaciju poticajne mjere „Služba u suradnji sa poslodavcima 2020“ u okviru Programa sufinansiranja zapošljavanja 2020. Realizacija predmetne mjere odnosi se isključivo na poslodavce koji pružaju usluge zdravstvene i/ili socijalne zaštite, a koji imaju opravdanu potrebu zapošljavanja nedostajućeg medicinskog i drugog odgovarajućeg kadra zbog pandemije koronavirusa (Covid 19) i proglašenog stanja nesreće uzrokovanog pojavom koronavirusa (Covid 19) na području Federacije BiH.

Ovim putem Vas obavještavamo da sa prethodno opisanim poslodavcima možete pristupiti proceduri zaključenja ugovora o sufinansiranju zapošljavanja i/ili obuke, u okviru poticajne mjere „Služba u suradnji sa poslodavcima 2020“, putem kojih bi se zaposlio nedostajući medicinski i/ili drugi odgovarajući kadar, a sve u cilju omogućavanja najbolje moguće zdravstvene i socijalne zaštite stanovništva.

Prethodno opisani poslodavci koji eventualno apliciraju na poticajnu mjeru „Služba u suradnji sa poslodavcima 2020“, dužni su, kroz Obrazac prijave – Služba u suradnji s poslodavcima (Obrazac SP), obrazložiti svoj projekt odnosno potrebu zapošljavanja i/ili obuke nedostajućeg medicinskog i drugog odgovarajućeg kadra zbog pandemije koronavirusa, slijedom čega Službe vrše provjeru i valorizaciju projekta. Nakon izvršene valorizacije projekta, Zavodu dostavite nazive poslodavaca na daljnju provjeru te projekte istih na uvid.

Ukoliko u okviru predmetne mjere ne raspolazete dovoljnim iznosom novčanih sredstava, molimo da o potrebi relokacije istih obavijestite Zavod.

Srdačan pozdrav,



Dostaviti:

- Naslovu
- a/a

2. Sredstva za pokrivanje administrativnih troškova službi za zapošljavanje i Federalnog zavoda utvrđuju se godišnjim finansijskim planovima iz člana 51. ovog zakona.

Član 48.

1. Sredstva koja pripadaju službama za zapošljavanje, nakon što se odbiju administrativni troškovi, koriste se za ostvarivanje materijalne i socijalne sigurnosti nezaposlenih osoba, u skladu sa članom 28. ovog zakona.

Član 49.

1. Ako se utvrdi da su sredstva koja su na raspolaganju službi za zapošljavanje dovoljna za ostvarivanje materijalne i socijalne sigurnosti nezaposlenih osoba i pokrivanje administrativnih troškova u nastupajućem mjesecu, služba za zapošljavanje će iskoristiti preostala sredstva za ostvarivanje mjera predviđenih čl. 21. i 25. ovog zakona.

2. Ako se utvrdi da su sredstva koja su na raspolaganju službi za zapošljavanje nedovoljna za ostvarivanje materijalne i socijalne sigurnosti nezaposlenih osoba i pokrivanje administrativnih troškova u nastupajućem mjesecu, služba za zapošljavanje podnijet će zahtjev Federalnom zavodu za dodjelu nedostajućih sredstava, uz mjesečni izvještaj iz člana 52. ovog zakona.

Član 50.

1. Sredstva koja se usmjeravaju Federalnom zavodu, nakon što se odbiju administrativni troškovi, koriste se za postizanje ravnomjernijeg ostvarivanja materijalne i socijalne sigurnosti nezaposlenih osoba na teritoriju Federacije, u skladu sa ovim zakonom.

2. Federalni zavod objedinjuje sve zahtjeve za dodjelu sredstava u skladu sa stavom 2. člana 49. ovog zakona.

3. Federalni zavod, uz odobrenje federalnog ministarstva, dodjeljuje službama za zapošljavanje tražena sredstva za ravnomjernije ostvarivanje materijalne i socijalne sigurnosti nezaposlenih osoba:

- a) ako se utvrdi da su sredstva koja su na raspolaganju Federalnom zavodu dovoljna za dodjelu traženih sredstava, Federalni zavod će iskoristiti preostala sredstva za finansiranje programa za tržište rada, u skladu sa ovim zakonom;
- b) ako se utvrdi da su sredstva koja su na raspolaganju Federalnom zavodu nedovoljna za dodjelu traženih sredstava, postojeća sredstva će se raspodjeliti proporcionalno svakom zahtjevu za dodjelu sredstava.

4. Ako su sredstva dobijena udruživanjem iz vlastitih prihoda službi za zapošljavanje i usmjeravanjem iz Federalno zavoda nedovoljna za ostvarivanje svih prispjelih i novčanih naknada za taj mjesec, služba za zapošljavanje će smanjiti iznos novčane naknade koja se isplaćuje za taj mjesec svim nezaposlenim osobama evidentiranim u službi za zapošljavanje u omjeru koji će joj omogućiti da isplati novčane naknade.

5. Federalni zavod obavlja nadzor nad dodijeljenim sredstvima u cilju njihovog korištenja u skladu sa ovim zakonom.

Član 51.

1. Federalni zavod i službe za zapošljavanje izrađuju i dostavljaju finansijske planove, na način i po postupku predviđenom Zakonom o budžetima ("Službene novine Federacije BiH", broj 20/98).

2. Služba za zapošljavanje podnosi godišnji finansijski plan Federalnom zavodu.

3. Federalni zavod objedinjene finansijske planove iz stava 1. ovog člana podnosi federalnom ministarstvu.

Član 52.

1. Služba za zapošljavanje podnosi mjesečni izvještaj o radu Federalnom zavodu.

2. Federalni zavod podnosi mjesečni izvještaj o radu federalnom ministarstvu sa mjesečnim izvještajima o radu službi za zapošljavanje.

Član 53.

1. Federalni zavod ima ovlasti provoditi ocjenjivanje poslovanja službi za zapošljavanje.

VIII - NADZOR

Član 54.

1. Upravni i drugi nadzor nad zakonitošću rada službe za zapošljavanje i privatnih agencija u kantonu ostvaruje se u skladu sa ovim zakonom i propisom kantona.

2. Nadzor nad zakonitošću rada službe za zapošljavanje i privatnih agencija iz stava 1. ovog člana u pogledu primjene ovog zakona i međunarodnih sporazuma, te nadzor nad zakonitošću rada Federalnog zavoda obavlja federalno ministarstvo.

Član 55.

1. Inspeksijski nadzor nad izvršenjem ovog zakona, drugih federalnih propisa i akata, međunarodnih sporazuma u oblasti rada i zapošljavanja obavlja Federalna inspekcija rada.

IX - KAZNE NE ODREDBE

Član 56.

1. Novčanom kaznom od 1.000,00 KM do 10.000,00 KM kaznit će se za prekršaj pravna osoba koja postupi suprotno članu 2. ovog zakona.

2. Za prekršaj iz stava 1. ovog člana kaznit će se odgovorna osoba kod pravne osobe novčanom kaznom od 500,00 KM do 2.000,00 KM.

3. Svaka osoba koja smatra da je protiv nje provedena diskriminacija iz člana 2. ovog zakona može zatražiti naknadu štete putem nadležnog suda.

Član 57.

1. Novčanom kaznom od 1.000,00 KM do 4.000,00 KM kaznit će se za prekršaj pravna osoba koja obavlja poslove posredovanja u zapošljavanju suprotno članu 26. ovog zakona.

2. Za prekršaj iz stava 1. ovog člana kaznit će se odgovorna osoba kod pravne osobe novčanom kaznom od 250,00 KM do 1.000,00 KM.

X - PRELAZNE I ZAVRŠNE ODREDBE

Član 58.

1. Federalni zavod se osniva i počinje sa radom u roku od 30 dana od dana stupanja na snagu ovog zakona.

Član 59.

1. Federalni zavod preuzet će od Zavoda za zapošljavanje Bosne i Hercegovine zaposlenike, opremu, inventar i druge stvari, arhivu, akte, predmete, drugu dokumentaciju, sredstva za rad, poslovni prostor i drugu imovinu, potrebne za ostvarivanje nadležnosti utvrđenih ovim zakonom.

Član 60.

1. Služba za zapošljavanje preuzet će od Zavoda za zapošljavanje BiH i postojećih službi za zapošljavanje u kantonima zaposlenike, opremu, inventar i druge stvari, arhivu, akte, predmete, drugu dokumentaciju, sredstva za rad, poslovni prostor i drugu imovinu, potrebne za ostvarivanje nadležnosti utvrđenih ovim zakonom.

Član 61.

1. U cilju realizacije odredaba čl. 59. i 60. Vlada Federacije BiH imenovat će dva predstavnika u komisiju za prijenos imovine Zavoda za zapošljavanje BiH (u daljem tekstu: komisija) formirane u skladu sa članom 3. Zakona o imovini Zavoda za zapošljavanje Bosne i Hercegovine (u daljem tekstu: Zakon o imovini).

2. Komisija, odnosno arbitar, imenovan u skladu sa članom 3. Zakona o imovini (u daljem tekstu: arbitar) je mjerodavan za donošenje odluke o preuzimanju zaposlenika, raspodjeli sredstava i drugih stvari i predmeta iz čl. 59. i 60. ovog zakona.

3. Odluke komisije, odnosno arbitra, su obavezujuće za Federalni zavod, službe za zapošljavanje i institucije Federacije

Član 62.

1. Osobe koje su primale novčanu naknadu u skladu sa Zakonom o zapošljavanju ("Službeni list SR BiH", broj 20/90) nastavit će primati novčanu naknadu u skladu sa ovim zakonom, ako na to imaju pravo.

Član 63.

1. Danom stupanja na snagu ovog zakona na teritoriji Federacije prestaje primjena propisa i odluka iz oblasti

invalidskom osiguranju ("Službene novine Federacije BiH", br. 28/98 i 49/00).

3. Za osiguranje prava iz stava 2. ovog člana, može se koristiti najviše 0,5% sredstava iz člana 45. stav 1. ovog zakona.

VI - POSTUPAK OSTVARIVANJA PRAVA PO OSNOVU NEZAPOSLENOSTI

Član 32.

1. Nezaposlena osoba ostvaruje prava za vrijeme nezaposlenosti u službi za zapošljavanje prema mjestu prebivališta.

2. Prava za vrijeme nezaposlenosti, nezaposlena osoba koja je usljed ratnog stanja napustila prebivalište, ostvaruje u službi za zapošljavanje prema mjestu boravka.

Član 33.

1. Zahtjev za ostvarivanje prava na novčanu naknadu nezaposlena osoba podnosi u roku od 60 dana od dana prestanka radnog odnosa.

2. Ako kod nezaposlene osobe, nastupi prijevremena spriječnost za rad po propisima o zdravstvenom osiguranju, rok iz stava 1. ovog člana računa se od dana prestanka te spriječenosti.

Član 34.

1. Osoba koja podnosi zahtjev za ostvarivanje novčane naknade za vrijeme nezaposlenosti, u skladu sa ovim zakonom dužna je dostaviti službi za zapošljavanje sve potrebne podatke za utvrđivanje prava.

2. Služba za zapošljavanje, nakon što evidentira nezaposlenu osobu i primi zahtjev za ostvarivanje novčane naknade za slučaj nezaposlenosti, odlučit će da li podnositelj zahtjeva ima pravo na novčanu naknadu, u skladu sa ovim zakonom.

3. Oblik i način prijavljivanja službi za zapošljavanje i podnošenje zahtjeva za ostvarivanje novčane naknade za slučaj nezaposlenosti uređuje se propisom kantona.

Član 35.

1. O primljenom zahtjevu iz člana 33. stav 1. ovog zakona služba za zapošljavanje odlučuje rješenjem.

2. Protiv rješenja službe za zapošljavanje iz stava 1. ovog člana, može se izjaviti žalba Federalnom zavodu.

3. Protiv rješenja Federalnog zavoda može se pokrenuti upravni spor pred nadležnim sudom.

Član 36.

1. Nezaposlena osoba nema pravo na novčanu naknadu:

- kad je svjesno doprinijela prestanku radnog odnosa;
- kad se utvrdi da je dobrovoljno napustila posao bez opravdanog razloga.

Član 37.

1. Opravdan razlog u smislu člana 36. ovog zakona za dobrovoljno prekidanje radnog odnosa postoji u slučaju kada, s obzirom na sve okolnosti, nezaposlena osoba nema druge prihvatljive mogućnosti nego da prekine radni odnos. To se naročito, ali ne isključivo, odnosi na:

- seksualno ili drugačije zlostavljanje;
- diskriminaciju u smislu člana 5. Zakona o radu;
- uslova rada koji ugrožavaju zdravlje ili sigurnost;
- postupanje poslodavca suprotno zakonu;
- pritisak koji poslodavac vrši na zaposlenika zbog članstva u sindikatu ili drugoj organizaciji zaposlenika.

Član 38.

1. Isplata novčane naknade nezaposlenoj osobi prekida se dok se:

- otpremninom ili drugim vidom naknade koju isplaćuje poslodavac nadoknađuje iznos novčane naknade na koju ima pravo;
- nezaposlena osoba nalazi na izdržavanju kazne u zatvoru ili nekoj drugoj ustanovi, na osnovu pravomoćne sudske presude;
- nezaposlena osoba nalazi na odsluženju vojnog roka;
- ženi - porodilji isplaćuje novčana naknada, u skladu sa zakonom.

Član 39.

1. Nezaposlena osoba koja ostvaruje prava za vrijeme nezaposlenosti dužna je, u roku od 15 dana od dana nastanka

okolnosti, prijaviti nadležnoj službi za zapošljavanje iz člana 32. ovog zakona svaku okolnost koja utiče na promjenu ili prestanak prava.

Član 40.

1. Nezaposlena osoba koja je ostvarila primanje na koje nije imala pravo dužna je vratiti primljene iznose, odnosno nadoknaditi nastale izdatke, ako je to pravo ostvarila:

- na osnovu netačne izjave ili podataka za koje je znala ili morala znati da su netačni;
- na neki drugi nezakoniti način ili u opsegu većem od onoga koji joj pripada;
- zbog toga što nije prijavila nastale promjene, odnosno okolnosti koje utiču na prestanak prava ili opseg njegovog korištenja.

Član 41.

1. Ako je na osnovu pravomoćne sudske odluke ili odluke poslodavca nezaposlena osoba vraćena na rad i ako je poslodavac toj osobi isplatio plaću i uplatio doprinose za razdoblje u kojemu nije radila, ta osoba je dužna vratiti službi za zapošljavanje, u skladu sa članom 40. ovog zakona, isplaćene iznose na osnovu uspostavljenog joj prava za vrijeme nezaposlenosti.

2. Služba za zapošljavanje, u smislu stava 1. ovog člana, ima pravo na povrat uplaćenog iznosa za penzijsko i invalidsko osiguranje od nadležne službe za penzijsko i invalidsko osiguranje.

Član 42.

1. Vraćanje primljenih iznosa neće se tražiti nakon 36 mjeseci od dana kada:

- je data netačna izjava ili dostavljeni netačni podaci;
- su nastale promijenjene okolnosti.

Član 43.

1. Služba za zapošljavanje može:

- tražiti vraćanje primljenih iznosa u ratama;
- tražiti vraćanje manjeg iznosa;
- osloboditi osobu obaveze plaćanja cijelog iznosa.

Član 44.

1. Nezaposlena osoba može izgubiti pravo na isplatu bilo kakve naknade, u skladu sa ovim zakonom, ako je:

- propustila, bez opravdanog razloga, dobiti odgovarajuće zaposlenje;
- propustila, bez opravdanog razloga, pristupiti školovanju ili stručnoj obuci na koju ju je uputila služba za zapošljavanje radi osposobljavanja ili održavanja sposobnosti da se uposli ili vrati na posao;
- dala lažnu izjavu prilikom podnošenja zahtjeva za ostvarivanje novčane naknade za vrijeme nezaposlenosti;
- podnijela netačan zahtjev za ostvarivanje novčane naknade za vrijeme nezaposlenosti;
- propustila obavijestiti službu za zapošljavanje o nastavku rada tijekom razdoblja u kojem joj je isplaćena novčana naknada za vrijeme nezaposlenosti.

VII - FINANSIRANJE

Član 45.

1. Sredstva za zadovoljavanje potreba iz domena zapošljavanje te za rad Federalnog zavoda i službi za zapošljavanje osiguravaju se, u skladu sa ovim zakonom, iz sljedećih izvora:

- doprinosa koje uplaćuju poslodavac i zaposlenik u skladu sa zakonom;
- kamata ili prihoda od uloga koje vrše Federalni zavod i služba za zapošljavanje;
- prihoda od pokretne ili nepokretne imovine koju Federalni zavod i služba za zapošljavanje kupe ili steknu, u skladu sa zakonom.

Član 46.

1. Sredstva iz člana 45. stav 1. tačka a. ovog zakona usmjeravaju se Federalnome zavodu u visini od 30%, a službama za zapošljavanje u visini od 70%.

Član 47.

1. Sredstva iz člana 45. ovog zakona mogu se koristiti za pokrivanje administrativnih troškova Federalnog zavoda i službi za zapošljavanje.